



Na osnovu člana 8., stav 1., alineja 3. i člana 26., stav 1., alineja 1. Zakona o javnim preduzećima Federacije Bosne i Hercegovine („Službene novine Federacije BiH“, broj: 8/05, 81/08 i 22/09, 109/12), člana 271. Zakona o privrednim društvima („Službene novine FBiH“, broj 81/15 i 75/2021), i člana 45., u vezi sa članom 65 Statuta JP RPC Tuzla – Inkubator „Lipnica“ d.o.o. Tuzla, te Odluke Nadzornog odbora o raspisivanju javnog oglasa za izbor i imenovanje članova Odbora za reviziju, broj 01-274-1/26 od 04.05.2026. godine, Nadzorni odbor JP RPC Tuzla – Inkubator „Lipnica“ d.o.o. Tuzla na 3. vanrednoj sjednici održanoj dana 04.05.2026. godine donosi:

JAVNI OGLAS
za izbor i imenovanje članova Odbora za reviziju
JP RPC Tuzla – Inkubator „Lipnica“ d.o.o. Tuzla

I NAZIV POZICIJE

1. 1 (jedan) član Odbora za reviziju JP RPC Tuzla – Inkubator „Lipnica“ d.o.o. Tuzla iz reda ovlaštenih revizora
2. 2 (dva) člana Odbora za reviziju JP RPC Tuzla – Inkubator „Lipnica“ d.o.o. Tuzla

II OPIS POZICIJA

Odbor za reviziju JP RPC Tuzla – Inkubator „Lipnica“ d.o.o. Tuzla (u daljem tekstu: Društvo), u okviru propisanih ovlaštenja, obavlja sljedeće poslove:

- provodi postupak imenovanja vanjskog revizora;
- vrši reviziju polugodišnjeg i godišnjeg obračuna i istovremeno kontrolu usklađenosti poslovanja Društva i funkcioniranja organa Društva sa Zakonom o privrednim društvima, drugim relevantnim propisima i osnovnim principima korporativnog upravljanja i o tome dostavlja izvještaj skupštini i nadzornom odboru najkasnije u roku od 8 (osam) dana po okončanju revizije;
- razmatra godišnju studiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te osigurava da prijavljena pitanja budu bez odlaganja i na odgovarajući način korigovana;
- podnosi nadzornom odboru sažete mjesečne izvještaje o svojim sastancima svakog mjeseca;
- preduzima druge radnje i aktivnosti u okviru propisanih ovlaštenja i obaveza u skladu sa Zakonom o javnim preduzećima, Zakonom o privrednim društvima i statutom Društva.
- preduzima druge radnje i aktivnosti u okviru propisanih ovlaštenja i obaveza u skladu sa Zakonom o javnim preduzećima, Zakonom o privrednim društvima i statutom Društva

III OPĆI USLOVI

Kandidati za člana odbora za reviziju Društva moraju ispunjavati sljedeće opće uslove:

1. da su državljani Bosne i Hercegovine,
2. da su stariji od 18 godina,
3. da se protiv njih ne vodi krivični postupak,
4. da nisu obuhvaćeni odredbom člana IX, stav 1. Ustava Bosne i Hercegovine,
5. da nisu osuđivani za krivično djelo i prekršaj nespojiv sa dužnošću u Odboru za reviziju u roku od 5 (pet) godina računajući od dana izvršene, zastarjele ili oproštene kazne,
6. da im presudom suda nije zabranjeno obavljanje aktivnosti u nadležnosti odbora za reviziju,
7. da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini, u periodu od 3 (tri) godine prije dana objavljivanja oglasa za upražnjene pozicije,
8. da nisu izabrani dužnosnici, nosioci izvršne vlasti ili savjetnici u smislu Zakona o sukobu interesa u organima vlasti u Federaciji Bosne i Hercegovine.

IV POSEBNI USLOVI

Pored općih uslova utvrđenih u tački III oglasa, kandidati za člana Odbora za reviziju Društva moraju ispunjavati i sljedeće posebne uslove:

1. da imaju visoku stručnu spremu,
2. da imaju najmanje 3 (tri) godine radnog iskustva nakon sticanja visoke stručne spreme,
3. da ne obavljaju djelatnost ili ne vrše dužnost koja po posebnom zakonu ili drugom propisu predstavlja smetnju za imenovanje na upražnjenu poziciju,
4. da nisu na funkciji u političkoj stranci,
5. da nisu uposlenici Društva i da se ne bave djelatnošću konkurentnom djelatnosti Društva,
6. da nemaju finansijski interes u Društvu,
7. da kandidat ima važeći certifikat ovlaštenog revizora, izdat od strane Saveza računovođa, revizora i finansijskih radnika FBiH za poziciju 1. ovog Javnog oglasa.

Ocjena kandidata koji ispunjavaju opće i posebne uslove utvrđene tačkama III i IV oglasa izvršit će se na osnovu stepena i profila stručne spreme, radnog iskustva i poznavanja propisa koji uređuju poslovanje privrednih društava.

V POTREBNI DOKUMENTI

Kandidati su dužni uz prijavu, koja sadrži tačnu poziciju na koju se kandidat prijavljuje, kraću biografiju, adresu i kontakt telefon, priložiti sljedeću dokumentaciju:

1. uvjerenje o državljanstvu,
2. uvjerenje da se protiv kandidata ne vodi krivični postupak (ne starije od 3 mjeseca) – dostavlja, komisiji za izbor članova odbora za reviziju , samo kandidati koji bude izabran za poziciju na koju se prijavljuju u roku od 3 dana od dana dostavljanja obavještenja o izboru,
3. diplomu o stečenoj visokoj stručnoj spremi,
4. potvrda ili uvjerenje o radnom iskustvu nakon sticanja visoke stručne spreme,
5. ovjerenu izjavu o ispunjavanju uslova iz tačke III, podtačka 4., 5., 6., 7. i 8. oglasa,
6. ovjerenu izjavu o ispunjavanju uslova iz tačke IV, podtačka 3., 4., 5., 6. Oglasa
7. važeći certifikat ovlaštenog revizora, izdat od strane Saveza računovođa i revizora FBiH za prijavu za poziciju 1. ovog Javnog oglasa.
Dokumenti koji se prilažu uz prijavu moraju biti dostavljeni u originalu ili ovjerenoj fotokopiji.

VI OSTALE NAPOMENE

Mandat člana odbora za reviziju traje 4 (četiri) godine.

Lica imenovana u odbor za reviziju sa Društvom će zaključiti ugovor o regulisanju međusobnih prava i obaveza, koji će odobriti skupština Društva.

Prijave kandidata sa kojima se ne stupi u kontakt u roku od 15 (petnaest) dana od isteka roka za podnošenje prijave, neće se uzeti u razmatranje u daljem postupku ocjene prijave.

Kandidati koji formalno ispunjavaju uslove javnog oglasa pozivaju se na intervju.

Nakon provedenog intervjua sa prijavljenim kandidatima i na osnovu u potpunosti dokumentovanih odluka svakog člana Komisije za izbor, Komisija će nadzornom odboru Društva dostaviti informaciju o provedenom postupku javnog oglašavanja, sa rang listom najboljih kandidata.

Konačno imenovanje članova Odbora za reviziju izvršit će Skupština Društva, na osnovu prijedloga Nadzornog odbora kandidata koji su uspješno prošli otvorenu konkurenciju prilikom postupka po javnom oglasu.

Nakon imenovanja od strane Skupštine Društva, na prvoj konstituirajućoj sjednici, Odbor za reviziju jednog od svojih članova bira za predsjednika Odbora za reviziju.

VII ROK I MJESTO ZA PODNOŠENJE PRIJAVA

Prijavu sa dokumentacijom utvrđenom tačkom V oglasa dostaviti u roku od 15 (petnaest) dana od dana posljednjeg objavljivanja javnog oglasa. Javni oglas će se objaviti u „Službenim novinama Federacije Bosne i Hercegovine“ i u dnevnom listu „Oslobođenje“. Prijavu sa traženom dokumentacijom dostaviti putem protokola Društva ili preporučenom pošiljkom na adresu:

JP RPC Tuzla – Inkubator “Lipnica” d.o.o. Tuzla,
Proleterskih brigada br. 60
75213 Lipnica

San naznakom : („Prijava na javni oglas za izbor i imenovanje članova Odbora za reviziju JP RPC Tuzla – Inkubator “Lipnica” d.o.o. Tuzla - NE OTVARATI)

U naznaci napisati broj pozicije za koju se kandidat prijavljuje.

Na poledini koverte upisati ime i prezime podnosioca prijave, adresu i kontakt telefon.

Neblagovremene i nepotpune prijave neće se uzeti u razmatranje.

Predsjednica Nadzornog odbora

Samra Ćorhodžić, MA oec, S.R.